

928
7
6

後村先生大全集

六





後村先生大全集卷第二十二

詩

題張元德著作春秋解

端平俱辱弓旌召鵬鷃逍遙各不同笑我赭衣鉗楚
市愧君白帽老遼東董迂因被公年誤杜癖惟於左
氏忠晚取諸家高束起且看渠與意林公

皆臨江人

二

白頭召寘石渠中將折微言合異同靈壽不扶漢庭
上儒衣空立魯門東誰云丞相知殷侑漫費君王遣
所忠猶覺暮年有遺恨書成未及質文公

送陳德林巡轄

拔丁而去矣袖瓦似要之誰道州人薄君行有綵旗

乙卯端午十絕

不曾窺戶外偶出至溪邊欲訪斬蛟廟聊呼放鴨船

二

桃李已成塵葵榴各闕新紅顏年少子白髮背時人

三

餐菊飲朝露平生不歎醜與龍爭角黍無乃謗湘纍

四

喚起龍泉老儂今把釣緡還公旗與鼓別付奪標人

五

不喜追風蹕尤憎競渡船寧為之反殿怕着祖生先

六

時服頌周府薰絃奏舜廊未知新帖于幾首似歐陽

七

客屣自來去山翁為不知座無麴道士門有艾天師

八

兒女需京纈經時買未歸似嫌無艾虎不肯換生衣

九

韓廟坡為記羅池愈製碑老儂不識字自唱送神詩

十

朝：責太平日：御延英欲識太平處
蓼：社鼓聲
余辛卯歲卧病郡城陳宗之胡希聖有詩問訊
後五歲希聖寄新刊漫遊集前詩已載集中次

韵二首

晚悟河難塞收方入枕函五窮衰併現百病老皆諳
強起留奚益全歸死亦甘瘡殘愧英妙努力勿多設

二

如聞攻老拙頗似斫虚空衆口朝投閣新眉妬入宮
一身槁梧上百歲大槐中莫嘆形骸廢姑留兩頰紅

辛亥去國陳宗之胡希聖送 避諱不敢見希

聖贈二詩亦不敢答乙卯追和其韵

苟留不覺夏徂秋甚笑周顛却效尤往聖明言哀戒
得先賢亦謂耄宜休空疎謂帝無高論老退明農已
熟籌慚愧二君更迂濶遠看逐客欲何求

二

屢叩龍墀自免冠虺隤初喜卸華鞍病疎賓客塵之
去老爰兒孫遺以安夙昔賜茶隣御座即今送菜仰
園官蕭然几案無書冊時取君詩反覆看

挽顧監丞

四州鼓吹近前茅幾載瘡痍變乘郊黎母盜清民有
犢飲飛士勇海無蛟安排循吏添新傳檢點者英少
故交欲發幽潛慰冥漠自慚華親暮年拋

昔陳北山趙南塘二老各有觀物十詠筆力高
妙暮年偶効顰為之韵險不復和也

五憎

伺夜偏乘隙逢人輒噬膚不饒豫讓炭肯怒玉環酥
闔空愁逢蝠虛簷巧避蛛吾無紅拂妓姑命小奴驅蚤

二

絳帕妖方士青襟小茂才集瓜譏汝否止棘刺誰哉

倏忽尋聲去曾無濯足來吾哀臂力短驅去復飛迴蛇

三

么麼常情忽潛形未易知嗅香太尉足起粟媿好眉
醜甕偏常集紗厨巧似窺平生長塵尾至此竟難麾

四

物理或難結疑經多未通蜚雖華麟史荔不產龜蒙
記異因同域為災豈減蝨恨余非博識安敢注魚蟲

五

不覺渠泥臭偏依井幹蹲聲尤麗水鳥腹欲大河豚
焚鞠存經訓如黃避諧言主人方戒殺毋怪爾徒

五爰

天不生斯物將如凍者何誰為忙作繭到底化為蛾
種至春還育功於世最多香聞不知織歲賜香羅蚕

二

茲虫雖小物一一抱微忠多士從先主群臣立悼公
獻花朝貢謹釀蜜國儲封處仲目空露名居畔逆中蜂

三

占斷十分清飛來一點輕死還為腐草生怕傍長檠
扇撲隨風遠囊盛徹夜明蒸燈與蓮炬不似爾多情螢

四

未省吞腥腐惟承晚露食三生齊士怨千首孟郊寒
腹內鳴尤激身輕蛻不難何須珥華冕吾欲掛吾冠蟬

五

古云龜與鶴閱世壽尤長試問列腸士何如曳尾藏
有靈寧毀積無用且支床吸視堪傳否仙家不死方龜
詰旦思之世豈有不押之韵轍和北山十首

細比蠅鬚類凶加豹脚名飛颺新得勢么唱遠聞聲
抱怨芳筋露驚眠玉頰頰天公許姑息長養更生成蚊

二

了不分芳臭營、浪自喧士為女聽感溷比帝居尊

魚餒危難膾瓜香圃欠焚冰霜不怨汝卦義取諸坤

三

絕喜有肉漢何嫌逐臭夫形慳一粒粟口徧四方餬
魯史衫締綌荆卿袖七圍朝來詢酒甕莫已變酸無蚶

四

閩人尤惜荔魯史首書蔞穢德非常臭鮮裝若自媒
今年暫枵腹來世勿投胎安得清風掃何憂絳實墮

五

嘈雜乘陰兩跳梁占廢池張唇誰不厭碟腹帝寧私
足踏銀床險身蒙錦襖痴世方多吻士吾有感於斯蛙

六

姑婦晨粧廢其他務未遑愁逢桑葉貴貧共織燈光
戰士支衣衆宮嬪剪綵忙可憐功最大不待華清湯

七

出穴營新邑分房定嗣君共為縣叢禮各効採花勤
暮返宜修夕晨趨每辨昕逢人施毒蠆寧比細腰云蜂

八

忽、聚還散熒、暗復明去嫌滅燭穢來照讀書清
不必煩羅扇何妨屏鐵縈蚌珠大如月不及爾身輕

九

所謂善鳴者冷然入耳清為誰絃雅奏舉世賞繁聲
露可充渠腹泉堪濯我纓直令抱枝槁終不肯蠅營蟬

十

未必靈於已徒令厭我龜元君虛見夢大小不能知
偶活因塗尾寧飢勿朶頤會携渠與鶴海上訪安期龜

又和南塘十首

聚群雷乍喊乘暗月初斜至點穿懷袖雖微俱爪牙
塵揮那肯去扇障不能遮近水尤喧聒殊妨賞藕花蚊

二

甚矣形骸穢居然孕育繁來常七几格去不離牆藩

多朋類雞鳴誤婦言至今賓與主相對廢盤食蠅

三

來如詞伺竒中貴隄防最善逃形影惡知辨真香
不見烏獲臂空攘 詫藏 密其如蓋愈彰 蚋

四

負汝作意欲空之童子持竿 家掛紙祈
已載蔡譜偶然遺秋至掃 胎非人力為蜚

五

兩憲池三尺晴窺月一方未 敢望若并洋
怪曾驚耳全嗅欲及腸誰能 老子欲追涼蛙

六

初見微於徐驚巧入神忽然纏作繭信矣出如綸
桑遠羅敷舍機含孟母鄰明當曉新齊月鎔 蚕

七

大計當傳子齊盟共定王不惟分戶牖亦自峙饌糧
修疑知禮謀遷似辨方朱門需蜜蠟空費一春忙蜂

八

密疎多不定來往少曾停穿幌非陰燐窺窻若曙星
微能破幽暗高欲傍青冥忽起江湖思微忙隔遠汀螢

九

短歌殊不足哀：長吟

薄飢資墜露栖止陰 倭安知道區：有巧

十

漁輒獲元 幾戕不足煩三顧毋且寧

剗鑽供卜筮中筭沐恩光何似泥中復朝：出太陽

荅吳 和梅百詠

空疎不擬傳安知騰播累諸賢即今同社

首當日孤山止一睽眼飽誰他忍飢腹向寒簞

吟肩未知誰是蘇司業肯向梅邊送酒錢

送林上舍

傳紙貴洛陽城疇昔推高月旦評下筆
舉幡亦足唱諸生詩如東野無高論策到
直聲病叟一卷親藥裹卧看柳色動離情

送陳亨叔縣丞

折仙桂列月宮安知再轉瘴煙中坐看管
封狐却使崔丞對二松此士鼻端何待聖老生指血至
今紅祝君努力鳴昭代切勿呻吟學東蛩

送金仙上人罷講

繡經巖電眼豎拂海潮音暫卓飛空錫堅辭布地金
忉：菩薩語切：老婆心明目入山去城中何處尋

挽盧氏子考功

二難不在機雲下猶記聯翩入洛來方喜朱絰將迭
奏忽愁白璧已雙埋參曹法曹傳髓効玉川詩亦奏
奪胎愁絕象賢肇家傳夜寤三復有餘哀

讀友人奏藁

首規旒冕次鈞衡紙價還知貴洛城谷永有知應愧
死曹蜍無氣謾偷生弘寬歛衽慙三策桑濮收聲讓
九戍聞說龍天俱歎贊法筵第一義分明

溫陵太守趙右司惠詩求荔子適大風雨掃盡

輒和二絕

吾家鄒玉：堂紅粹美寧非間氣鍾絕喜詩來相品
藻安知物有不遭逢

二

瑞明仙去譜猶存珍重君侯拂蘚痕法石白雖無一

顆太倉紅已飽千村

蔡譜本在瑞明家石本在泉州法石白乃溫陵名器見舊譜

俗傳荔損則稻熟

送日老住九座山

瓶錫飛來方款曲幡華迎去條多離草眠毡睡身皆
穩刀割香塗佛豈知守土親為大檀越開山留下廢
砧基直頂金碧千間了却訪溪庵亦未遲

答仙遊黃尉巖孫

鄉近尤諳俗山深莫捨名士皆誇尉好民亦誦官清
入幙交游少依僧去住輕它年漢廷上定不愧黃生

贈林信夫

昔日相師今畫師依然紅頰映霜髭懶為閱世青白
眼寫出無聲水墨詩曾次九流人物鏡華端三友歲
寒枝刺桐城裏多豪貴絕藝何憂不見知

答吳侍郎二首

昨泛靈槎河漢津今撐小艇水雲身相君自作蹲池
計天子何曾如屋嗔綠野尊姑領客第甘泉開頌可

無人白沙翠竹宜閑步絕勝東華踏軟塵

二

宿昔瞻依日月光遲遲去魯未須忙附炎渠自手炙
熱忍陳兒寧足履霜諫草平生慕王魏詩名餘事歷
錢即可憐老病兼窮薄推轂當朝媿鄭莊

學進士作大方無隅二首

趨出範圍表方之大者乎理同然不異隅至此俱無
聖豈東西判游何內外拘鵠邊天浩蝸角國區
廣可色三極微寧注一夫晚知莊老誕終向孔門趨

二

舉世游方內規：臆見拘惟其全體大所以四隅無
矩絜豈能盡執同安有殊其崖誰見者何岸可登乎
固異管窺智寧如斗絕區彼哉露圭角毋乃小人儒

又二首

諸子皆蟲管惟聃說大方其隅四無有於道兩相忘
未易五車盡難將寸矩量楚辭迷極際柳對昧中旁
鳥止正何小蝸牛角許忙更須叅孟叟歸宿要和鄉

天對無
中無旁

二

難與拘儒論無方即大方洞然皆我閱隅竟在何鄉

惠說猶為寡聘書不可量莫知生內外烏覩道藩傍
血戰蠻爭角狂行士望洋區々膠小見肝胆畫封疆

天問隅限多有爾雅注屋內曰
澳外曰限莊子注願游其藩傍

秘書弟牽玉羔為壽將以唐律次韵一首

玉羔直歲詎能神幾觸堪嗟命不辰昔比素絲曾着
節今為白石且眠春同人挾策安能牧小弟磨刀恐
未仁木蘭詩小弟聞姊未
磨刀霍之肉猪羊六日披裘把竿釣擬他五
殺豈其倫

喜兩口號九首呈潘侯

穀賤如泥未一年那堪四野復焦卷元桑姑射神通

小惟有君侯立動天

二

雖擁朱幡只澤耀孕魚丹荔免苞苴未應早魁無分
別更把秋陽懊惱渠

三

憂見鬚眉膳却葷分明上帝見忠勤赤章夜徹通明
殿一縷烟生六合雲

四

昨日陽烏赤似金朝來忽化作甘霖老農失喜逢人
說滴々來從太守心

五

火傘朱旗總叱開
新涼稍自白蘋迴
世人枉了嘆風
伯到底煩渠送雨來

六

先做田間三日霖
冰輪出海掃秋陰
人言侯是調元
手慰了農心慰士心

七

蔬是儂家野八珍
小畦自灌極艱辛
清晨卧聽檐聲
喜餘意分沾抱甕人

八

扶杖追涼看稻花
不煩軋、踏溝車
殘年無以酬公
上長作輸租第一家

九

白首歸來作老農
豐年里社得過從
勸君莫梗賢侯
化去後思侯未易逢

贈楊相士

西北功名奮發秋
南轅咄、欲何求
似聞君識壺口
子自笑吾非定遠
侯鷓鴣行難看
鳧雁麒麟閣不畫
獼猴故人若問樽
庵老林下吟詩白却頭

哭日老二首

初聞減度指三彈俄報茶毗鼻一酸始悟杖頭挑布袋不如龕裏坐蒲團故交相與歸函骨弟子誰來會涅槃猶喜唱衣無一物洞開方丈與人看

竹湖疇昔歎兼通孔墨何曾是別宗唐代儒先重顛老晋朝名勝賞林公頌辭大衆存遺札塔與寒齋共一峯聞說結跏揮手際亦留半偈別樗翁

無題二首

郭郎綫斫事都休卸了衣冠返沐猴棚上偃師何處去誤他棚下幾人愁

二

棚空衆散足淒涼昨日人趨似堵牆兒女不知時事變相呼入市看新場

挽毅齋鄭觀文二首

嘉定名尤重端平春最濃子維曾榻相公自要明農尚意宣麻拜俄驚斬板封白頭西府榘無復奉從容

二

卷服辭三事深衣立一儒羞扶孔公杖寧入洛英圖鑑已云亡矣梁其不壞乎絲、掃門客曾拜董陵無

挽鄭宣教 絕

傳嫡生樞府耽書肖肯亭未論禽拜後姑喜鯉趨庭

初聞減度指三彈俄報茶毗鼻一酸始悟杖頭挑布袋不如龕裏坐蒲團故交相與歸函骨弟子誰來會涅槃猶喜唱衣無一物洞開方丈與人看

竹湖疇昔歎兼通孔墨何曾是別宗唐代儒先重顏老晉朝名勝賞林公頌辭大眾存遺札塔與寒齋共一峯聞說結跏揮手際亦留半偈別樗翁

無題二首

郭郎綫斷事都休卸了衣冠返沐猴棚上偃師何處去誤他棚下幾人愁

二

棚空衆散足淒涼昨日人趨似堵牆兒女不知時事變相呼入市看新場

挽毅齋鄭觀文二首

嘉定名尤重端平春最濃子維曾榻相公自要明農尚意宣麻拜俄驚斬板封白頭西府椽無復奉從容

二

卷服辭三事深衣立一儒羞扶孔公杖寧入洛英圖鑑已云亡矣梁其不壞乎絲、掃門客曾拜董陵無

挽鄭宣教 迥

傳嫡生樞府耽書肖肯亭未論禽拜後姑喜鯉趨庭

葛叔悲交態，瑤環憶妙齡。吾無施力處，遺恨托於銘。
贈梅巖王相士二絕

王大曾瞞伎倆均，華佗郭璞枉危身。傳君秘訣君牢
記，但道君侯是貴人。

二

和靖詩高千古瘦，逃禪盡妙一生貧。勸君別換新標
榜，莫靠梅花賺殺人。

余除鑄錢使者居厚，除尚書令即俄皆鎖印。即
事二首呈居厚

出處平生大致同，中間得失等雞虫。髡髻昔似晉歸

謝華髮今成楚，兩翼握有蘭香為子崇。街無銅臭坐
余窮，善和舊宅殘書卷。只合連床聽曉鐘。

二

病鴻垂翅噤無聲，慣見虛弦莫浪驚。二仲卜鄰元不
惡，兩生堅壁未嘗行。出關誰識為周史，入社猶堪伴
洛英。都把首陽山占斷，採薇到老没人爭。

寄題徐仲晦頌友堂二首

病翁歲晚朋從絕，細讀高文面發慙。士貴切磋寧獨
學，僧雖苦硬有同參。名堂蓋取倫之五，開徑那無益
者三。見說戶庭來不拒，儻分半席待禱庵。

二

西山仙去各離羣窮達區、不足云僅有伊憇守伊
洛更無房魏說河汾虎皮子盍闡新義靈簡子方輯
舊聞何日蹇驢載樽酒一燈析理更論文

寄題建陽宋景高友于堂蔡久軒作記

樞相落成文甚古府君卜築墨猶新宛如釀棗分梨
日堪愧燃箕煮豆人五桂必攀昆季與三荆不析戶
庭春夢中猶識三溪路安得登堂列下賓

和潘侯勸駕韻

底須辛苦訪蓬萊唾手功名亦快哉唐季闕尤多進

士宋興前已四輪魁來聽雅樂歌三闕去占群花第
一開鄉老獻書侯勸駕共為昭代育群才

送赴省諸友

徐懋功茂叔

小陸詞章海內傳名場久蓋着先鞭慣看餘子瓦樞
壞太息斯人鐵硯穿疇昔重香過半世而今拾芥已
中年病翁擬拭昏花眼快向茅簷讀奏篇

林德遇逢丁

原夫輦豈敢追攀每歎居文似左班不許犬雞祗丹
昂肯為鼯鼠發黃間主司一洗冬烘謗老子前知畫

錦還空誦子虛不能薦送行未免有慙顏

卓怡文 漢

輦下銀袍似堵牆名塗箇箇着鞭忙期年椽木何容易一日看花得許狂韓子吟披惟六藝所公喫着豈三場臨期不待殷勤祝涵養功深講貫詳

鄭咿道 旂

束髮詞林久著名及茲書劍始西行里人預識龍頭喜相者兼言骨清筆老定非場屋作聲和必為國家鳴漢廷儒術多通顯不說公孫說董生

方善夫 昆仲 準至

君家科級每蟬聯何況高才更妙年肄業機雲同屋住論文坡穎對床眠一隻壁有連城價九轉丹能拔宅仙來歲親朋迎畫繡病翁亦出至溪邊

林汝大 棟

天性憐才老未衰愛君筆力絕新奇引經連發天山箭舉手高攀月窟枝藻蘊科名通譜牒旦希優劣係脩為窮人只有詩堪贈空聳山肩撼雪髭

柯德明 應東

昔人抱璞經三獻今子排雲叫九關千佛經應冠鰲頂大人賦可動龍顏探梅臘雪園林後對策薰風殿

閣間若見故人詢病叟但言深入萬重山

林少嘉瀾翁

此君詞翰逼晁秦萬鵠袍中少擬倫色筆深懷如有
助朱衣點首豈能神長安市素多游俠天子廷曹壞
士人玉座臨軒親發策可無輟論披龍鱗

方雲卿昆仲霖孫

先朝取士尚雕虫前輩皆因此顯融衡鑑集中推范
老混成篇裏得沂公杏園飲暢鶯聲早梨嶺飛高雁
影同歲晚交游各西上不留一箇伴溪翁

後村先生大全集卷第二十二

後村先生詩大全集卷第二十三

詩

銅雀瓦硯歌一首謝林法曹

涼州賊燒洛陽宮黃屋遷播僑鄴中兵驅椒房出複
壁帝不能抹憂及躬臺下役夫皆菜色臺上美人如
花紅九州戰血丹野草不聞鬼哭聞歌鐘時人肆罵
作漢賊相國自許賢周公一朝西陵瘞矛劍帳殿寂
寞來悲風美人去事黃初帝家法乃與穹廬同繁華
銷歇世代遠惟有漳水流無窮時耕者鑿遺瓦蘇
侵土蝕疑古銅後來好事斲成硯平視端歛相長雄

參軍得之喜不寐携歸光怪夜吐紅謂宜載寶餉洛
貴顧肯割爰遺山翁：生建安七子後幼覽方冊夢
寐通白頭始獲交石友非不磨礪無新功復愁偷兒
瞰吾屋竊去莫異玉與弓書生一硯何足計老瞞萬
瓦掃地空

和林肅翁有所思韻

老厭人間事遠遊弇州西畔比台州須彌身大安知
痛雲夢宵寬不貯愁舊友惟君真管鮑諸生若箇是
程仇跳丸去速還舟晚獨立空山兩鬢秋

再和

豪曾扶一筇遊晚似鹿公怕入州橡栗尚煩天賦
粟糝茅柴似水澆愁何妨范史書鉤黨不顧歐碑說
解仇自古放臣多感慨吾評哀郢勝悲秋

冬至二首

病逢佳節徑投床卧聽群兒笑老蒼僅可六藏教龜
息安能三黜入鵝行脉微藥焙常儲火足冷茅檐定
有霜多謝天公相煖熱起披敗絮負朝陽

二

慈顏幽翳幾星霜猶記斑衣共舉觴老弟頗憐伯仁
短小孫笑過阿宜長親朋不至諳時態兒女無知競

曉粧老退尚餘憂國念朝來雲物果灾祥

挽韓母李氏

持家霜滿鬢誓口鐵為心兄戴萬鍾祿黔婁一布衾
嘉賓懷截髮孤女感抽簪遺慶觀賢子交遊屬望深
居厚弟改提舉鴻禧一首

召來未及擁青綾麾去何妨拄赤滕粉署馮唐無輦
行鏡湖賀老有交承吏拖月給幫虛設客怪冰銜字
稍增猶勝亳州前管轄鬢毛秃盡欲歸僧

又次居厚韻一首

衰遲已迫掛冠年三黜皆因戀九遷且傍雁行遊福

地免陪豹尾幸甘泉早知丹汞方難驗晚悟
不然聞說青梯 橙捷老無膂力可攀緣

同安權縣林丞和余二首赴韻答之

雖與尊公甲子同懸鵝久矣愧華蟲程仇不
魏王貢安能勝鮑龔時有放歌吟屋破且無
途窮故山處：薇堪採何必支離粟幾鍾

二

頗聞四境有經聲雉傍人飛犬不驚在處崇陰
伐等閑花判亦流行揆庭子盍堪新藻絕塵
落英臺府諸公衡尺審春風薦子有誰爭

擊壤圖

昔聞華胥與淨土道釋寓言非目覩此圖物色皆華
人太平氣象在裏許競披野服裝東儉旋瀉薄膠盆
蓋古小姑上嫂醜駭人稚兒於背行偃倭嶧桐泗馨
未嘗試手持萸樽叩土鼓當時四里安耕鑿百姪馬
知有官府帝心猶不奈叢脞欲以黃屋讓支父烏乎
放勳去已遠朝野多事民愁苦腐儒未暇論秦漢齊
權魚益魯稅畝舟鮫衡麓設譏禁若海神愁摘煮
計臣各搯享上說禍先及農商賈南隣米借斗
斛西舍誅帛空機杼又聞更盼平

官庾何況防秋羽檄急

選材武下鄉

慘於蛇坐衙官惡猛如虎十家九

村落靜存者鬼

質身縑縷有時適野挑齋食

逢場戴花舞

茅屋晴窻下偶然釋耒一摩拊老農未知陶唐

子瞪視口譖語暮年樵悴欲移鄉借問此是何處所

乙卯歲除

井灶蕭條歲又殘呼童掃地具杯盤村春笑生涯
儉家祭方知拜起難衲壞蒙頭寒自若燭燒見夜
將闌卧聞儺鼓葵三過不與諸孫作伴看

丙辰元日

勉騎朝馬趁南衙五見空村換歲華旋遣厨人挑薺
菜虛勞座客頌椒花不施爵壘釣編戶雜飲屠蘇殿
一家二十官游今七十於身何損復何加

早去

早去天知無官情急攻人甚有虛名老而

少曾搵云老而能學
惟吾與袁伯業爾 老不加刑黜典輕宿昔

未就他時血碧尚難平吾書豈必行今世千

泣薊生

門外

門外沙鷗忽散羣云何飛矢遠尋君今身莫是前

幹異世寧無後子雲早歲多言生悔吝暮年更曠新
知聞吾兒謹勿趨華藻寧使班書議少文

又一首

平生孤立懶隨群未愛標名附五君後老病身甘確
無窮世事等輪雲牛衣尚許尋初服蠶室何堪續
聞玉座他年如記憶安知不講禮融文

髮脫

髮脫終不待爬天將醜怪變妍華論為城旦寧非
怒度作沙彌亦自佳稚子笑翁簪柏葉侍人諱老叵
菱花霜寒尤要泥丸暖慙愧烏巾着意遮

憶昔

憶昔春郊共踏青十人中已九凋零
先未遣隨朝露殿後姑留作曙星
老眼蠅書猶可讀微聲蟻鬧不須聽
申公歲晚殊多事白首番番詣漢廷

夜 故書得孫季蕃詞有懷其人二首

貪聽 未眠偶拈一卷向燈前
鳳簫按譜聲 叶 鮫帕盛珠顛
圓洛叟曾規秦學士蜀公晚喜柳
屯田江湖冷落詞人少難起花翁傍 邊

二

中年豪宕以詞行醉墨淋漓一座傾
昔競捧牋求少

蘊今誰瀝酒吊耆卿
戴花起舞生無悶
薦菊為看死亦清
愁絕水仙祠畔路
萋萋原草幾枯榮

門前榕樹

木壽尤推樛與樗
觀榕可信添園書
絕無翡翠來巢此
曾有虬螭欲撼渠
五鳳修成安用汝
萬牛力挽竟何如山頭
旦暮尋斤斧
擁腫全生計未疎

不寐二首

憑書作睡媒
夜牕危坐亂書堆
甫從安樂窩移去
又向華胥國遣回
轉枕易如炊斗黍
據梧聽徹奏

東方白仍取殘編更闔開

二

聽漏篝簷聲得二伴春愁殘燈似喚人開
妾護篝昔者鶴曾為道士俄而變又化
莊周要知夢覺皆虛幻且撥寒爐起坐休

荅 補同人

莫厭春泥沒膝深公卿皆拔自詞林鵠袍肯在諸生
虫篆原非壯士心山下久無吾屐齒葦間忽聽子
挈音年來懶與人諛墓欲贈劉义未有金

荅上饒江濤

趙使萬篇韓半之江湖尤重兩賢詩不須負笈行十

里回首東家自有師

挽徐吏部二首 其一

鑽無篚實平進少梯媒一鶴徑歸去萬牛難挽回
空馳驛使召不見者即來欲挂原頭劍徐君安在哉

二

昔過高陽里宮牆許一窺有藏樓冊子無院處歌姬
羅雀閉窮巷殺雞留晚炊欲携船卿往道遠歎吾哀
挽蔡遵府閣學二首

外庸為世冠內守與時乖鯁論傳文懿麟編法止齊
晚方顯史筆早不愧面公愧已病朕箴諫難忘耿々懷

俱侍清光邇相看素髮稠已拚老聃去尚意孔戩留
雌甲何其厄同庚只麼休龍鍾不出戶持此諫新丘

二月初七日壽溪十絕

醜石榕堪坐晴坡草可眠若非古沂水亦是小斜川

二

三

士不論窮達離鄉即可哀白頭孫七十歲二婦松來
仙不離世人何須覓遠仙桃花最深處更著小漁船

四

築長城一絲二走避秦長城遍天下底處着逃人

五

鎖却藏舟屋丁寧忽浪開漁郎最饒舌曾去引人來

六

受職於天李冰同處然何曾現靈恠專一管豐年

七

寬裁領蓬頭亂插花相呼挈牲酒再拜禱桑麻

八

夜裏拆箭傳黃旗野老心無事聞之忽皺眉

九

眼中人累、原上墳昔作夸毗子今為冥漠君
十

有時變市朝回首非誰為遼鶴說第一莫來歸
即事十絕

戰士不解甲於今四十年夫量太倉粟爛鑄水衡錢
二

傳聞惡豈宜守脩屨各宜更短製未可靠巍冠
三

感公卿耻諸賢強自寬向來沙市冢太半徒公安
四

荆益俱危急風濤共一舟未知策應使兵已至何州
五

移聞於重慶支吾亦十霜但聞繩魏尚不見雪陳湯
六

初謂武陵遠移來不計春近傳湖戶警愁殺避秦人
七

老賊順流下周郎憑軾觀不干春水事一蹙走曹瞞
八

玄琰俱年少能推百萬師如何桓幼子輕議謝家兒
九

飲血吞奴羯盛渡餉佛狸勿論城大小但問守城誰

十
穹廬迫淝水黃屋幸澶州謝傅方爭奕萊公亦擲散
神君歌十首

幽明雖異趣追遠豈殊哉隱々聞簫鼓神君尚冢回

二
草市魚蝦賤園家羊粟肥一城空巷出萬燭送神歸

三
樵蘇出林看士女擁途迎要識神通趣年々此際晴

四

徂累周公服優幪孫栗冠無論駭兒女神亦被渠瞞

五
武當并灌口間說燉於兵獨有東南遠人神尚太平

六
村染殊音節蠻謳欠雅馴老儒無酌獻歌此送相迎

七
往昔揚州市神仙愛夜游夜來燈與月不忝小揚州

八
泮渙舞雩樂懽呼記蜡忙且記童子咏莫管國公狂

九

十

亂離無醉者有則以為祥慙愧生平世人：在醉鄉
葵：街鼓動寂：市聲稀祭罷社人散老巫懷肉歸

荅徐雷震校贈

頗聞譜與壽溪通桑梓吾寧不敬恭東漢聘君真處
士晚唐先輩亦文宗方當天矯驚春蟄未可呻吟學
凍蒼老矣麾幢俱屏去空券難與子爭鋒

送黃 赴補

澤宮選新俊鼓篋者雲從此士堪穿禮同人學避鋒
朝家 曹天子必臨雍去：飛潛異雲山隔幾重

北耗

京師渠敢洩邊機北耗傳訛果是非不見紅旗加露
布頗傳黃屋尚宵衣南風不競師將老春水方生虜
必歸何日靈臺真偃伯更無一點戰塵飛

送趙司理歸永嘉

時茵

終歲閉柴荆於君面尚生客設花判健民道李官清
方喜片言折忽因微罪行呂侯令秉鉞羔雁必來迎

送林寬夫父子

駒

家學有淵源傳之於艾軒三珠生老蚌百鳥避雛鷓
同進誰爭賀諸生定閉蕃吾窮無可贖握手贈君言

蜀捷

吠南初謂予堪侮折北俄聞彼不支捷覽果臧強弩
下男章有入檻車時鍾繇捷表前無古班固銘詩
繼者誰白髮腐儒心膽薄一春林下浪攢眉

題周從龍養生圖

二圖心悟非師傳子若通之可以仙欲向丹房供灑
掃老人爐灶壞多年

挽劉母王宜人二首

上壽今何憾殷憂昔備嘗分燈照隣女畫荻訓賢郎
石窠將開邑隴阡自表岡吾哀彤管廢短些不成章

二

原上車千兩傾城函送終孟隣懷舊好防墓愴新封
鶴弔孤峯頂牛鳴半驛中會携芻一束自往唁林宗

挽陳判官

兵少匹馬命如絲寶玦化為爐錦囊存者詩
無丹駐光景有雪上鬚眉坐閱君三世如之何勿思

送林推官觀

仕泉一郡共稱賢今仕於漳想亦然非有珠犀堪自
敵若無椀蠟可為研惡貪泉水平生潔缺相輪尖早
晚圓若是尚書問村吏哀殘恰似挂冠年

長溪陳夢雷携表弟趙君玉書相訪

外弟寄雙魚細讀銀鈎卷復舒愧我挂冠芳草

奏誤君載盾過郝盧羅祠久絕支離粟失勢誰看閑

書老畏春寒縮如斃坐妨沽酒摘園蔬

寄湯伯紀秘書

挽留天語極諄、願為明時遠牧民俟去居然今國

削至清渾不怕州貧斷無苞匪聊崇儉纔用蒲鞭亦

害仁莫比尋常騎竹馬使君元結一流人

六言二首答陳天驥長短句

天孫機上刀尺雪兒口裏官商愧我元非郢客恨

君不識秦郎

二

書扁曾累逐客墜釵能謗醉翁寧作經營博士勿為

曲子相公

寄湯季庸侍郎

粵從紫氣度函關更十年中幾賜環一葉身輕歸去

勇六丁力盡挽來難高情常寄絲華外晚節全觀出

處間別後有書無寄處聊憑小阮問平安

送廣東憲

疏屢循墻詔屢催練衣安得更徘徊直從象窟埋輪

去曾向龍墀折檻來度嶺尊堯心未已登臺叫舜首
頻回遙知行橐無南物驛使歸時且寄梅

次韻趙克勤吏部六首

甫里薄田汾曲廬兒曹堪墾亦堪居惟應水竹并風
月尚屬先生未屬渠

二

苔徑荒蕪薇架斜樹頭吹盡不留些奴欺主病慵鋤
草魔笑翁衰免散花

三

有小林泉傍隱廬無間賓客訪村居辛勤闢地添支

徑曲折通入淺渠

四

邊雪畔影橫斜應訝何郎太瘦些未可偷渠瞞老
眼玉堂茅舍一般花

五

憶昔承明共直廬而今寂寞賦閒居戴花社裏聊容
我起草臺邊可欠渠

六

兩鬢星星暮景斜清狂減似向來些短供未至瓶無
粟妖夢皆因筆有花

齒落

愈悲第二牙辭去况我今虧第一牙嚼比牛飼哀畢
現豁如狗竇醜難遮譙陳麟脯真虛設庖進魚脯不
必嗟歲晚魯公惟食粥斷無仙骨飯胡麻

四月八日三絕

微在生夫子摩耶育釋迦人々衣逢掖箇々着袈裟

二

九龍吐香水茲事已千秋道是本無垢年々浴未休

三

生曾辭寶位死却要金棺達士發冷笑痴人被熱瞞

繩枝

公卿點似雙環女權位危於百尺竿身在半天貪進
步脚離實地駭傍觀愈悲登華高難下載却尋極險
不安誰與貴人銘座右等閑記看退朝看

荔枝二首

去年一顆難鑽核今歲千林盡着花老子有方能辟
穀純將絳雪代丹砂

二

寂々南州少物華有梅池處只梅茶荔枝花發差平
等不問貧家富貴家

蒙恩復畀明道祠寄呈趙克勤吏部三首
曾對青藜漢閣中天風吹散各西東白頭重得為僚友同為君王轄竹宮

二

柱史荒壇僅有名可能香火似承平却愁似制難遙領直要先生出按行

三

雲臺玉局舊曾諳回首茅山亦監、惟有毫祠尤久任白頭三度入冰銜

陳亨叔司理見遺長牋小詩還贄

貧近山家作此行潘輿來只費三程責兒反鮓嫌疑謹使婦供鮭奉養清吾不入城避瓜李子因謀野過柴荆柴薇老病君房去自課樵歌代遠遊

久雨二首

倏暖俄寒氣候偏未梅一月雨連綿移床自笑無乾處鍊石渠能補漏天風卷杜陵幾重屋江通甫里百弓田誰言野老無憂責據枕終宵不得眠

二

登高四望積雲深失了金烏底處尋未可漚麻需繚退臨當晒麦轍天陰寶開元畫夏嵐濕惜善和書怕蠹

後村先生全集
侵只道閑人無繫累豈知亦有事關心

挽趙虛齋二首

俱列儒臣侍細毡各為逐客問歸船親賢有詔徵劉
向疎遠無人贖史遷常日金臺諸客散暮年錢壁幾
人全傷心滴露研朱筆抱在營窻雪案邊

二

前歲山人來訪逮墓田丙舍報余知法書尚寶元常
帖拙筆深慙有道碑重作大招難畫意共談太極永
無期可憐老病忘昏晝但記西窻剪燭時

艾人六言二首

不惟寶劍衝斗亦自高冠切雲令祖豈非艾子先師
莫是茅君

二

歌枕三彭暫去燒船五鬼俱還我欲膝行倒屣君無
髮上衝冠

病起

病起龍鍾怯負犁劣能扶杖視蔬畦罷休自笑同芻
狗老去君當起木雞孤鶴驚飛沙苑箭群鳥嗔借上
林棲終須覓箇安巢處萬疊青山繚碧溪

後村先生大全集卷第二十三終

後村先生全集卷第二十四

詩

警齋吳侍郎再和余送行及居厚弟詩各次韻

朝陽鳳味更誰同回首啾々笑候蟲洛下二龍開馬

呂建中兩身數鄉壘山谷詩且喜呼來伯雅聊排悶

叱去奴星莫送窮華髮未交衰颯甚敢鳴破谷答編

鍾皆從重字

二

朝騎寶馬聽雞聲夕問歸舟灶婢驚手板抽還無責

任諫書訖了少施行有時短褐過隣舍不記魏冠待

通英善類合離關世運非人頰舌所能爭

三

曾聽仙韶晏玉津

辛亥恭謝日某忝侍御晏

豈知金彈忽危身誰

為高樹鳳凰語無奈雕籠鸚鵡嗔拙射元非落鵬手

村眉難比掃蛾人新裁白紵衣如雪一點休教染洛塵

四

少小携書借隙光宵眠常晏起常忙莫嫌茅舍曝朝

日猶勝板橋行曉霜藜杖久踈前閣老桃花不記舊

臺郎自慚道學工夫淺晚却逃儒入老莊

梅花一首

造化生尤物居然冠衆芳東家傅粉白西域返魂香
真可壻芍藥未妨妃海棠平生恨歐九極口說姚黃

孟郊詩云芍藥誰堪壻

蚍蜉一首

梅月炎官尚斂威紛紛此物傍練衣撲燈似怕光芒
掩撼樹都忘力量微因愛積陰憎景日逆知將雨洩
天機未應蟻子渾無援時至皆能插羽飛

攬鏡六言三首

背偃水牛涸礪髮白冰蠶吐絲貌醜似猴行者詩瘦
於鶴何師

二
天上映蒸已懶霧中看花不真顧我七十餘老見公
三
兩分人

三

蚊曉優然不見蠅頭老矣停披盲左卯明作傳瞎張
太祝工詩

送林元質侍郎赴宣城二首

江鄉民力已凋疲妙選名臣往拊綬此去天家增保
障向來帝子擁旌麾蕭生補郎寧忘諫謝守看山定
有詩相國若詢周柱史為言健似出關時

二

玉階接武侍凝旒歲晚同尋洛社遊騎竹小兒迎輶

去戴花老監晚難留

余階官貼職皆視大蓬

班春行李那容緩亭

午前茅蓋少休造物殷勤愛公處傍無妙麗護衣篝

抄近藁六言二首

和調失黏詩句按摸出格文章儘可追陪党進不消
更覓君房

二

東鄰莫效西子南窓何減北扉一螢道我來往焉用
宮蓮送歸

代舉人主司問荅六言二首

破題得李程賦結語取錢起詩遂令眊噪舉子不滿
冬烘主司

二

夢裏誰無綵筆暗中別有朱衣蘇二得援失薦歐九
黜幾取輝

採荔子十絕

策杖凌晨出携筐薄暮歸未知故山荔何似首陽薇

二

一鶴為前導吳煩絳節哉樵蘇私借問何處地仙來

三

開國何其忝箋天未必俞繳還三百戶換賜一千株

四

日三煩湯使三年費火攻暮齡知艾附不及荔枝功

五

解使冰腸煖能令玉色腴誰能補丹訣素女絳羅襦

六

童子偷無恠先生老尚饑采時留絕頂猿鳥要分甘

七

帝享老矐仙丹苞實醴泉猶嫌無供帳賜以錦漫天

八
包袖書云爾分桃傳有之憐渠生處遠玉食偶然遺

九

懷橘悲何及芸瓜老不任摘未先廟祭灑淚向松陰

十

傳得上林種曾於良嶽裁吾君無嗜好不貢一株來

贈日者朱俊甫二首

老子嘗騰火化中文干一字不能通請君留取設天
口去訪橫渠與了翁

二

謝公閉墅懶圍碁董相還家且下帷見說金甌殊未
定問君魁柄屬之誰

贈羅攝官

一夢端為文字祥華宗復出小君章無家來去如潮

水自覺無家如潮不思歸有鬼椰榆向路傍肯顧雀

羅殊鄭重欲為雞黍媿荒涼燕昭歿後金臺少僅瘦

驢飢驛堠長

哀仲妹

壺範班在里閭始知列女傳非虛室無遺桂空花

妾溪有新塋宰樹殊弟憶雪中聯汝白兄行雷岸寄

家書自憐戴白龍鍾叟猶向原頭駕素車

挽方親來伯

弄藏古物或千年漢晉隋唐在目前死有一孫堪付
託生惟四友共周旋寶扶風蓋如逢甫臨永興書逼
米顛占盡人間最清事吾碑百世後方傳

答楊浩

往前曾受銘文囑老病安知擬議差柏下人埋將宿
草管城子禿已無花自慙吾匪三長史誰誤君尋五
作家王潛多為人作誌銘或送潤華誤今代李邕
袖手往來碑版不須嗟

九日遊華嚴寺二首

堂閉厨荒薛壁頽重尋陳迹故堪哀殘僧遠避遊山
展飢雀空窺施食臺髻換絕無黑絲出樽空不見白
衣來千林搖落秋容老未有黃花一朵開

二

古塔東偏景最奇年深何處認苔基碧紗籠毀雷轟
壁黃頽林疎葉脫枝鶻沒暮雲天杳、鶴歸舊里冢
纍、中山淚與龍山帽雨洗風吹在者誰塔旁古離
榭寺佳處
有龔少任詩四十年前
曾題其後今亡矣

答建士謝昨二首

費余一兩卷攬罷恍然驚老子猶堅壁偏師忽劫營
今人輕雅道造物靳詩名自笑空：者將何贈爾行

二

偶有幽人訪柴門始一開大顛留偈去小謝袖詩來
襪被嫌三宿挑燈讀百回惟應變屐齒歷：在莓苔

挽安溪黃丞東起

未得毛錐力空將鐵硯磨暗投主司老私淑里人多
三韭何妨能變松不待哦卿鄰惜者舊為輟相春歌

題趙主簿省試議併以將行

世儒通易少公子信人豪幾載常編絕三篇紙價高

素心鄙温飽餘事及風騷臺間招徠廣勾朱不足勞

記夢

昔夢趨旃屨巍冠預講論孤忠鄙張禹薄命類虞翻
稍覺易言慧徐瞻玉色温放臣絕朝謁無路可耐恩

書事二首

空：都沒一行書行：徒矜九尺軀面上帶妖真可
恥脚中有鬼不容扶末年鐵拐傳仙訣他日金錐扶
冢珠泉下定為明允笑果能看破半山無

二

利刃斬風空惡毒疾聲吠雪似獸顛嗟余芻狗木雞

爾視汝螟蛉螺贏然墓上將軍堪嚇鬼龕中大士且
安禪不須懺禮如來足佛與波旬共結緣

錢潘使君二首

送去迎來兩轂朱如侯治行極稀跡清惟薄採闕山
荔仁不曾苞丙穴魚遺愛驗於還印後歸裝貧似下
車初漢廷尚有公卿闕頗怪龔黃欠璽書

二

一念拳三帝所臨士民皆諒使君心隨車兩每孚精
禱下瀨船多出俸金兩載公真茹蘗苦百年人尚愛
棠陰從今緊閉哀安戶庭雪平腰徑草深

哭吳卿明輔二首

水心文印雖傳矯青出於藍自一家尚意祥麟來泰
時安知恠鵬集長沙忤因宮妾頭無髮去為將軍手
汚靴他日史官如立傳先書氣節後詞華

二

吳競史法蔡邕碑每嘆斯文尚在茲老奪故交堪痛
惜晚徵集序未遑為單傳骨髓惟吾子空嘔心肝向
阿誰道遠來芻携不去覆翻遺墨豈勝悲

挽方惠倅雷作

家譜推賢裔鄉評號吉人佩銀成短夢冠玉漫長身

朱軫鸞膠斷青林鶴表新空令在下史反惜幕中賓
挽葉謙夫尚書二首

履聲騰上逼星辰俄駕朱幡去牧民不作金張門下
客亦非牛李黨中人公寧抽版還丞相誰更移書責
諫臣爪距紛々誇驚搏安知魯野有祥麟

二

道山昔謬領犀仙同舍推公最妙年方立班心九霄
上忽騎箕尾列星遙奏篇誰肯收遺藁主祭妻為選
象賢百嶂千峰環縣郭未知何處是新阡

冬夜讀几案間雜書得六言二十首

叔夜真龍鳳矣嗣宗猶蜈贏然一以廣陵散死一以
勸進表全

二

盤龍恨庾長史太宰哀李崖州達人能和大怨壯士
不報細讎

三

有教聖愚無類非人父子勿傳此乃靖欲反矣是亦
昇有罪焉

四

陰德必食陽報忮心終為餒魂智伯死而無後愚公

生自有孫

五

鬼谷弟子捍闔東方先生滑稽彼哉妄婦道也上以
俳優畜之

六

舉世盡兄孔方無人敢卿五郎客喜大夫糞苦奴誇
太尉足香

七

昔有初祖見性今無導師指迷死底埋震旦東活底
在葱嶺西

八

人言美惡必復孰若覩寬兩忘僧乃諍第二祖佛不
喚哥利王

九

橫議遊俠四出清流標榜自賢血染瓜田方止尸投
濁河可憐

十

箋疏蟲魚小物扶挑草木微情兔葵累劉夢得燕泥
辜薛道衡

十一

本非家法偶語安知朝儀宮中遂有秘戲殿上
竟問小遺 十二

宋玉口多微詞曼倩言不純師陳賦諷薦桃女抗議
斬賣珠兒 十三

鸚鵡洲猶自若銅雀臺安在哉老瞞真大不道狂生
時小有才 十四

巢居吸景休糧壁觀入定放光三萬里隔弱水六千

劫坐道場

十五

六郎子晉後身董君漢廷近親大羅天女男妾館陶
公主肥人 十六

進東金丹搗喚放下玉笛偷吹先丁寧雪衣女勿漏
泄錦綉兒 十七

李妹玉曜膚色梅娘沒粧素衣大主嗔老奴愛三郎
怕肥婢知

十八

帚是千葉榴染髮以折枝杏簪空問天孫乞巧其奈
君王愛慙

十九

寧置寒氷隘巷勿長婦人深宮兒 昭儀篋內孫斃
季寵抱中

二十

南朝有脂粉氣季唐誇錦繡惟接休文聲響去夢太
白脚板來

哭伯姊二首

弟為龜湖妹製碑伯姬舍我復何之今彤史筆嗟誰
炳古錦囊詩獨姊知起絮撒益才有間燎鬚作弄力
安施瀾湍石畔霜風冷行路無情亦涕洟

二

幼以木蘭為長兄豈堪垂老隔幽明空疎誰更譏匡
鼎衡妙不進友愛何曾詈屈平服已降暮從變禮聖
猶尚左况諸生追嚴不必伊蒲供自有松風與澗聲

荅王掖將士

明時無復精英氣化作祥風及慶雲馬鬣安能埋此
骨 亦可與斯文當年賓客誰珠履今日郎君尚

練裙獨有後村翁尚在匹離無力漫殷

新元二首

朝三暮四昔尚童踰七望八今成翁見佛未肯右肩
袒對客嘗稱左耳聾叩額有疏拜墀下斷腕無麻迫
禁中自憐老病菁華竭不及花枝歲々紅

二

朝來微霰閣輕陰攬鏡空添雪滿簪官送桃符猶懶
寫兒酬椒酒勿多斟病於懽事全然沒老覺春寒未
易禁惟有改詩成一癖消磨不盡少年心

夢館宿二首

花木扶疎月露清昔人來此比登瀛不知做得神仙
未身在喬松頂上行

二

罡風誤送到蓬萊昔種琪花今已開僮鶴來迎俱嘆
息老仙又老似前回

挽南雄林使君

東路歸何及南柯夢忽醒居然鳴輓鐸都未製齋鈴
官已題華表名空錄御屏遥知泉下意猶待竹溪銘

題趙西里詩卷二首

紫芝仲白飛仙去常恐英才不復生人歎斯文逢厄

運天留此老主齊盟執鞭孰可為之御序齒吾猶事
以兄未必時人能着價後千百載話頭行

二

不向鶯邊繫寶鞍海門東畔把魚竿無蒲萄酒博太
守有竹枝歌傳小蠻到處名山留屐齒看未元氣在
毫端繡娃辛苦描新樣肯信春風放牡丹

燈夕守舍

百口惟翁懶入閨謹傳畫隼出行春冶容淇上多遊
女群飲街頭有醉人聽黑簫韶用安重成假寐映青
誨語蒹杖是前身不知誰侍傳甘晏早為君王靖塞塵

無題二首

江北塵高戰鼓酣惜無赤壁順風帆城池險固為棲
百卽邑蕭條有戶三明主依然勞聖慮諸君豈得尚
清談烏序頗收不復作誰與兒郎共苦甘

二

夕烽一夕徹甘泉鑄印分弓玉座前天狗如雷防急
變佛狸死卯竟謠傳漢家豈可無三策胡運何曾有
百年漸覺風寒逼堂奧寄聲諸老急籌邊

即事二首

禿翁未敢佚餘生洗竹澆蘭立課程辛苦謀身無甕

後村先生全集 卷二十四
箕股勤娛耳有瓶笙鑪寒燒葉回春意燭盡携書就
月明一欠伸閒分夢覺何須它日曲池平

二

生涯草：旋安排先架茅堂次竹齋傍楫拙邊名煥
室有榕樹處當涼臺且饒林下一人去莫問門前幾
客來新買溪西山教畝便思葦石更移梅

久雨一首

春來能得幾朝晴病叟深藏似凍蠅獨夜山房惟燭
影暮年家樂只簷聲墊巾此老猶標致裹飯何人訪
死生村北村南泥滑：且宜高卧閉柴荆

春寒二首

東里太乙漫行春無賴封姨未霽嗔薄酒不紅皴靴
面濕薪難直曲鉤身埋腰健美單傳者墮指深慙遠
戍人莫笑布衾如鐵冷也勝去傍相君茵

二

百藝惟詩老始工未應凍死杜陵翁聳肩偏怯春衣
薄曝背尤貪曉日紅草鼓煖於絨坐子蒲龕清似肉
屏風幾時天地回生意只費陽和一點功

二月十八日過梅庵追懷主人二首

猶記尋梅負酒瓢當時賓主正丰標通宵縱飲燒銀

燭換早催開喚玉簫摘艷人亡誰共賞戴花翁在老
無膠重來只是新華表不忍攀枝更折條

二

慣作梁園座右賓非惟管鮑亦朱陳自從石友幽明
隔誰訪瑤妃寂寞濱若無情還有恨樹猶如此况
於人不知宋玉歸何處口誦招魂一愴神

林貴州哀詩二首

四壁空留宅隻旌漫典州無錢堆別屋有石壓歸舟
縱未封孫叔猶當廟柳侯吾銘皆實錄亦足繼前修

二

歲晚淹留潦霧間朱幡雖寵變蒼顏頽川鳳下來何
晚浪泊鳶飛去不還道遠返衰新燧改州貧無賻旅
囊慳新邱莫嘆封塋儉絕勝痴人錦裏山

待制趙公伯泳哀詩二首

趙氏源流自副樞至公清節亢門閭緒言猶接淳熙
際親擢何慚慶厯初班馬定為庶吏傳韓歐無責諫
臣書可憐哀斧忠邪學僅向甘泉扈屬車

二

憶昔鵷行接武趨與君肝膽素相孚孤忠不忍棄明
主健論真堪立懦夫公是意林曾續否退之手誼尚

存無公嘗示余暮年救出交遊淚莫恠星三滿鬢

鬚

禽言九首

杜鵑

門前客勸不如住樹頭鳥勸不如去廷尉重來客又
集丞相欲去門人泣客誤主人固不少哀哉人有不
如鳥

接客

向來客至投轄留而今避客如避仇山禽做我似有
理何不握髮更倒屣禽兮禽兮汝豈知人生哀旺各

有時主人老病客勿怪爨冷樽空無管待

姑惡

有鳥有鳥林間呼聲三句三唯怨姑夜挑錦字嫌眠
懶晨執幌巾喚起晚老人食性尤難準永天求魚冬
青笋爺娘錯計遣嫁夫悔不長作閨中姝新婦新婦
牢記着人生百年更苦樂他時堂上作阿家莫教新
婦云姑惡

行不得哥哥

羊腸汝尚行不得而况汝兄脚無力何曾知有陟岡
詩聲三叫兄行不容釋四達之達如掌平并廩危道

慎無行禽鳥微類猶有情鼻亭公豈不愛兒

提葫蘆

朝愁暮愁、不已生為愁人死愁鬼百禽唯爾尤可
喜勸我移住醉鄉裏劉伶畢卓善自謀生前死後不
識愁

脫布袴

貴家紈袴金梭織貧家布袴總蔽膝半夜打門持文
書脫袴賞酒待里昏何時贖袴要禦寒亦為官掩催
租癡

布穀

墻壁雖有勸農文不如禽語尤殷勤春泥滑、陂水
滿晨出下秧薄暮返烏序三農養一兵汝曹努力勿
惰耕朱門日高眠未起却嫌布穀聲聒耳

婆餅焦

阿婆八十雙鬢皓眉麥為餅將奉婆小家新婦拙烹
調不覺錯熱令餅焦高堂日晏婆停筋小姑訶婢郎
譴婦新婦斂手前謝過別就熱錯翻一箇

郭公

郭公郭公曾居國魂化為鳥憾未釋滿目山河屬別
人舊時宮殿歸不得更姓改物今千春歷、記憶常

後村先生大全集
如新郭公蜀帝兩痴絕自古失國知幾人

後村先生大全集卷第二十四

後村先生大全集第二十五卷
題近藁二首
吾年開八秩形槁更心灰
禪縛病居士詩殃凍秀才
冰凍死秀才衣帶有雪詩
無功上麟閣有案在烏臺
攻苦三千首誰曾着價來

二

世間小家數不瘦失之寒
都未飽鯨膾徒然烹蟻肝
於今無對壘亘古有荒壇
改竄無全句明朝吏取看
丸送

丸送繡行均一去如公之去
獨賢哉國僑存校如迂

閨涑水辭樞莫挽回聊為先師主精舍不煩殘客到
翹村半山未是忘情者重拜頭廳便出來

村居即事六言十首

磐石時時垂釣茅簷旦旦負暄小杓行魚羹飯長竿
晒犢鼻禪

二

呵凍畫灰鍛詩傍人笑汝白痴五百年有名世七十
翁如小兒

三

鈍根無慧能偈信必有梵志詩黃吻年忘語虎眉

尊者不知

四

老蚌剖胎枯矣雄雞斷尾棄之列頸交誰抹汝犁舌
獄無出時

五

有時散髮松風有時一劔秋空講易白牛谿上題詩
黃鶴樓中

六

風窻有竹相敲地爐無葉可燒亂書翻覆未了一燈
明滅頻挑

七

一把算未能下萬戶
碁苦不高老子腹中無物渠僕
笑裏有刀

八

坐處在細旃上立時傍紅雲邊
寧罰公幹磨石可使
劉陶縛錢

九

髮脫禿鷲無異背
偃索馳逼真不是進賢冠者亦非
靈壽杖人

十

緼袍足蔽體
惡草具可享
賓犢車榮過九錫
鮓飯
甘於八珍

春夜温故六言二十首

侍中謫取玉帶尚書苦愛貂蟬家破謫黎母矣塚穿
無觸髅馬

二

私怨有公論者反噬非人情哉
穎叔發修陰事資深
歎軾奇才

三

鼎鑊烹東都黨烟瘴磨元祐人
但看紙上陳迹始知

陸下至仁

四

骨朽是非始定怒炎毀譽未公太平呼竒宰相野狐
目半山翁

五

燕山張皇薄伐良嶽文飾太平黼賀尅復受賞瑾憂
分裂有萌

六

門前客已去矣屋裏人安在哉寒萑張羅可得春鷺
啣泥不來

七

丞相訓子尤儉夫人送女已非盥面用瓦盆子籍足
以錦地衣

八

出入息頃冷暖翻覆手間雨雲斬願從教萬段賣頌
不直分文

九

京檜皆黃髮老攸燔各黑頭公當時號為小相至今
歎作頑童

十

後村先生大全集
選人片言授鉞貴臣萬里建侯平洮致綠石研復燕
得碧雲油燕山面膏也

十一

板舌犯世深忌枕肱夸師緒言徂徠生為鬼恠伊川
死尚還魂

十二

子長交遊莫抹孫盛門戶幾危執簡而往誤矣閭筆
相視得之

十三

書姦書盜不隱諱周諱魯若私使賊亂懼直筆於定

哀多微辭

十四

向來動脚已謬末後濡尾轉非伏生力辭不至申公
不合婦歸

十五

一部日錄付壻三經新義傳兒躋翁超乎亞聖贊父
光於仲尼

十六

懲舒之志甚銳祚宋之言可悲濃墨書姦黨石長繩
拽粹德碑

十七

圖霸卧薪嘗膽為農拾穗行歌短袞斂首形矣
如跋屨何

十八

絕交書謝伊輩養生論真吾師詩無風刺尤妙史
无刑勿為

十九

辨材師苦死爰文皇帝得許痴温韜叔陵大盜蕭翼
穿窬小兒

二十

相即 厨而竊王相坎壁以藏十襲為傳家寶
無入已賦

挽林韶州興宗

墮落紅巾子崎嶇白刃間死難令北面囚尚着南冠
漢使無金贖相如與壁還都将雙鬢雪換得兩輪丹
二

東起平戎策鈴齋晝掩扉身留嶠南老餉至洛中稀
瘴自茅花起喪同薏苡歸不知湯介子朝論是耶非
和黃戶曹投贈二首祖潤

羞問胡奴乞米炊君思樸斷老儻祠蚤廢殿閣微涼

作晚課田園雜興詩浴下共遊無在者巖頭末句欲
傳誰天公別有相禪補素髮星々兩鬢垂

二

巫醫末技有師生古道今人鮮復行受子雲元誰卒
業附韓公傳不埋名虱猶可以箭鋒貫蠅豈能增秤
尾輕願欲他時觀續集定將蒼老換朱榮

又二首

萊菔可齋菘可炊絕勝遠訪碧溪祠渠能去伴舒為
諾時有來聽鼎說詩江夏奇童今屬子金華仙伯更
誰錦囊例贈貧家了不管旁觀笑索垂

詩家事業可憐生骨朽人間有集行鍛鍊鬼猶驚險
語折磨天亦妬虛名長倚驢背嫌肩聳欲投鯨牙恨
力輕吟得擅場成底事不如黃策挹浮榮

答楊公朝

昔抱遺編事悅堂巖陵宰樹想荒涼問君鄉土生悲
感家住秦溪又姓楊

悅堂謂吏部
楊公通老

鶴會三首

晚覺方家抱寓言儋書只說谷神存不煩姪女來丹
竈忽有嬰兒出顛門

二

肉眼安能辨聖凡有時中褐過城南亦無肘後堪傳
汝且向純陽兩字參

三

投不貨軀火宅中須臾鬢雪換顏紅暮年頗欲從翁
去共過蓬萊聽水風

林知錄和余梅百詠

一已為多况百哉得君詩卷久驚猜乍疑姑射山頭
比誰喚勾芒雪裏迴委壤可憐渠有命傾城豈是子
無媒直須著意描香影和靖宗人合詠梅

送林知錄 仲嘉

狗監知才子雌堂惜上賓歸船載畫重清俸買書貧
已作扶犁叟難留挂笏人洛英如見問為說卧漳濱
周天益辭歸延平

自說罈津上辛勤葺數楹一家僑寄活隻手拮据成
俗薄詩人厄州貧太守清聞君不由徑想見攬衣迎

送仙遊黃尉 巖孫新授朝教

三載仙谿上蕭然少府廳不曾填格日但見纂圖經
黃綬離卑冗青衿典刑泉潮相接壤尤可奉親庭

贈貴上人

貴公葬法妙著龜眼力尤高異管窺先世曾從牧堂
學蔡西山之父前身疑是涅槃師服寒食散方誰驗榮土饅
頭計已遲我卜寢丘將斬草重來莫負老人期

次韵黃戶曹問訊二首

埋窟騷壇兩罷休倒持塵柄讓名流向來袒裼欲暴
虎老去短衣聊飲牛歛退始知顏巷樂迂疎空抱杞
夫憂名山何處無靈藥長笑痴人入海求

二

殘年宜去亦宜休出處輸渠第一流華表歸三千歲
鶴具區有四十蹄牛見甫里先生傳吟薰風殿曾微諷 夕

陽亭尚隱憂乾鵠噪簷無別喜書筒詩卷遠相求

寄題楊懋卿孝感堂

哭時聞者亦歎歔雙鶴隨聲下碧虛帝出絲綸照穹
壤宮施綽楔表門閭今無陶侃誰能爾古有蘇耽莫
是渠華髮史儋曾載筆尚能濃墨為君書

摘玉堂紅皺玉二絕

顛、芑甘液年年飫老饕絕勝九十歲三度竊蟠桃

二

珍貴均摩勒甘滋過醴泉謂天不吾享豈不厚誣天

樗庵採荔二絕

村叟相持將白髭，羨儂健似去年時。
野儒枯槁無師授，傳得單方服荔枝。

二

墜殼紛、滿樹間，更拋牆外費防閑。
暗中仍被揶揄笑，此老冬烘可熟瞞。

余平生不至廬山，六月廿八日夜夢同孫季蕃游馬林木，參天瀑聲如雷，山中物色良是一刹甚幽邃，傍人告曰：此有不出院僧，余與季蕃欣然訪之，語未終而覺將曉矣。意外簷溜淋浪，紀以二詩。

似與孫郎有宿期，共穿紫翠探幽奇。
水簾噴雪非常火，傘張空了不知蒙。
衲僧寧非惠遠，結茅人莫是凝之。
惜今粉繪無名筆，尚可追摹入拙詩。

二

泉聲瀟、樹蒼、云有高僧占一房。
糧絕罕曾起烟火，佛來不肯下禪床。
緇流誰可傳宗旨，黃勃難招坐道場。
何必真分一間住，偶為但過亦清涼。

虎暴一首

趨捷超山徑，咆哮瞰土墻。
昔無當道卧，今有稅人場。
班特歸欄早，韓盧入寶忙。
四山多伏弩，未可恃雄強。

後村先生大全集 卷之五
二
噬至飽而止出為飢所驅東鄰棧失殺西舍廐亡駒
浪說裴旻射難施抱朴符雌雄已堪畏况挾小於菟

初秋感事三首

徧閱同參入涅槃傍觀盡恠老僧頑有詩傳世天機
淺無史藏山筆鉞閑夢境瞿莊更喚醒醉鄉陶阮夾
扶還吾廬寂々人稀至不是先生愛掩關

二

跌薄當年賦兩京晚拋筆硯事春耕達空函啓已心
懶讀夾注書猶眼明金匱舊聞虛論次香奩少作悔

流行而今老病都休也起聽秋聲百感生

三

思放歸田又數期少猶迂濶况衰遲日非夸父追能
及山豈愚公力可移前席虛懷何日報細旃密啓有
天知太陽所燭皆萌達不照牆陰藿與葵

贈宇文貢士叔簡

君家忠節著先朝廟院如今稍寂寥晉代褒勛侯謝
澹唐人詔姓取顏標地寒訪我門羅爵天定看君世
珥貂欲掃空齋同夜話山荒黃獨尚無苗

跋青陽尉古賦 卯起

青陽少府筆如椽袖出騷人體物篇往昔上林推蜀
客後來赤壁有坡仙自言避地僑江表誰誦凌雲內
上前螢室一生家萬里漢庭給札定何年

尉姓寄百雀圖

猶子知余嗜封來半尺緇誰將一兔穎戲作百鷓鴣
具體侔針粟卑飛集葦苔笑他九萬里辛苦上雲霄
夜坐二首
依約前生是蠹魚坐窓不覺曉鐘餘都忘還笏休官
了渾是擔簦應舉初亥豕安能丞謬訣雪螢尚欲補
空疎元花生眼蝸鳴耳貪校新抄數板書

二

世法人情已盡拋深林自占一枝巢病來不飲疎歡
伯老去惟書作淡交馬尾動煩刊筆誤蠅頭尚可就
燈抄山空月落商歌起不管秋風捲屋茅

秋早繼以大風即事十首

雖作堯時擊壤民田家憂樂尚關身抱珠難起龍公
睡走石誰掩颯毋嘆

二

蘋末蕭蕭忽怒飛松公欲仆竹君倚無人委曲鏤風
伯晚福方花最怕吹

三
作苦三時逸在冬安知一簣尚虧功愁聞地籟吹羊
角不見天瓢滴馬鬃

四
曾立龍墀忝近臣深知玉座最憂民近傳奎畫蠲租
賦稽首觚稜祝聖人

五
吳中見說亦枯焦勺水如金汲路遙但有清塵無灑
道不能破塊止鳴條

六
抱甕區區溉旱苗恐飢終勝似捺瓢飲堯井水耕堯
野偶作樵歌亦譽堯

七
古人一念感而通不待焚巫祭雨工湯反諸身防六
事漢移其咎責三公

八
老農相戒早輸官何日爰書得少寬明府安知簾外
事路人却見水中廩

九
禹功遠矣世猶思誰穀吾州賴兩陂待與閔宮碑歲

月併為神作送迎詩

十

少耽章句老明農無意為文忽自工戲作小詩說場圃細看似可讀幽風

雜興十首

蒼苔滿意上庭除應為新來客屣踈老圃寧無螬半李貧家尚有鼠餘蔬身先退士吟招隱免勸尊公賦遂初已與山靈盟歎了龍鐘斷不就安車

二

曾忝開元供奉班君恩全護放還山諸公縱欲俎豆

汝老子安能筆硯開試拂毛錐嗟已秃便扶靈壽亦何顏迴頭猿鶴休相笑猶勝周顛去不還

三

少喜清談拙自謀行年至此復焉求歸休誰肯爭谷貧殺猶堪買沃洲笛作曾垂安石淚扇遮難護彥回羞伯陽老去差姦黠真出函關不少留

四

旋揮踈籬設矮扉僅容老子自娛嬉國蝸角上何嫌小巢烏窠邊不覺危石柳無陳雞絮者朱門有設雀羅時平泉花木奇樟檜辛苦栽培竟屬誰

五

鬢髮蕭々牙齒疎耄荒不記兔園書有時待月
榭驀地看花命小車早暮兩龔辭病去晚從二
隣居阿戎解執牙籌耳稽阮中間却頓渠

六

何止才疎亦命慳暮年身世寄田間望塵早不游金
谷投筆今難戍玉關日禱泥龍晴自若晝騎秧馬夕
方還跳丸只了東西走不道能蒼壯士顏

七

熙以後幾熙前曹馬仄寒不復燃寧作歸來詞引

避可為勸進表求全斜川妙語起言外廣武狂說發
酒邊賴有遺文堪可質世誰陶阮豈其然

八

諸公袞々一番新留得山林着放臣鞍破馬移它廐
去巢空燕覺主家貧甥陪棋局何須客兒舉籃輿不
覓人膜外浮榮酒中趣看來二者孰關身

九

迴首危途尚可驚三家村裏送餘生入無與主常孤
立歸有隣翁可耦耕罵坐不聞因耳重懸車已決覺
身輕小詩何必諸公誦自向閒時詠太平

十

古書踏駁承訛久新義支離析衷難孔墨達觀無異道觸蠻角立有爭端壁中科斗經傳寫甕裏醜雞

殘老子暮年親勘破束書閣上不須看

太守宋監丞新三先生祠刊二劉遺文以二

詩紀實

丙翁仕不至丞即名節能流百世芳窮巷號為通德里舊書藏在善和坊古楹日敞加丹刻老栢年深益黛蒼太守懷賢崇教化先生祭于鄉

二

俱事重華著直聲百年藏藁未流行世評諫疏如劉向公讀遺書感樂生里有襄陽耆舊傳史無齊魯大臣名

去歲得吳仲明輔書云新文不為文軒及丙翁立傳

孤孫白首荒家學甘作滕民負

耒耕

使君次韻再賦

當年雙壁甲科郎未羨燕山五桂芳奏賦何曾因狗監諫書直乞罷鷹坊聚螢窓冷韋編蠹下馬陵蕪宰樹蒼不是使君來北海邦人豈識鄭公鄉

二

下車不識直呼聲郡政清平教亦行曾相治齊賓益

老何侯在楚厚龔生甘棠通國俱懷惠遺藁因公得
記名老受一廬無以報先疇不映尚堪耕

芙蓉六言四首

東林百草搖落老圃數株白紅
楚客空悲歲晏班姬
錯怨秋風

二

雪白露初泣曉酒紅日欲平
西王姬何彼穠矣美人
清揚婉兮

三

月也不離人世花城豈必仙家
且容康節向月不羨

曼卿主花

四

羞作太真妃帳寧為屈大夫
裳帝賞此花高節別賜
一名拒霜

瑞明無情趙公哀詩二首

惜昔並居封駁地相期叶力共推車
慣看東雀批黃勅同向南衙沮
白麻高竟歸安石訪
舒家僅存一鑑今亡矣想見
昕朝亦嘆嗟

二

惜身顧影世滔、歎息斯人振古豪
中壘老猶獻封

事三間去尚作離騷無金可遺貧如故加璧難招
更高有淚數行芻一束若為飛渡浙江濤

惜筍二首

主人尤愛竹老病鮮窺園粟鼠競携子籜龍空長孫
化為玉版去留得錦綉存雖有監臨者貪眠晝閉門

二

手移孤竹氏遍地長孫枝挺々堪傳嫡疎々欲咎誰
汝饒猶可忍吾俗恐難醫雖有監臨法寬柔不忍施

後村先生大全集卷第二十五

第	35411	号
平成	3.11.22	
聖和學	928	
園短大	□	
圖書館	6	



Vertical text on the right edge of the page, partially obscured by the binding:

卷之六
目錄

Vertical text on the left side of the page, likely a page number or chapter indicator:

卷之六
目錄
一

Rectangular stamp with Chinese characters and a grid:

號	1000	號
SEJIE	號	號
	字	味
	火	號
	號	書

Small red mark or character at the bottom of the page.

秀

